

علشان السناره تغمز



أمل محمود

كلام لازم كل البنات تعرفه

مقدمة

عشان السنارة تغمز كتاب حطيت فيه خلاصة تجاربي
وخبرتي كإنسانة أو ككاتبة متخصصة في العلاقات الإنسانية
ولإن كل يوم بيجيلي مشاكل من بنات كتير كل مشكلتهم إنهم
مش عارفين يتعاملوا ازاي أو مش عارفين ياخدوا لاحق
ولاباطال مع الرجالة قررت أكتب الكتاب دا عشان يدي كل
بنت خبرة ويوفر عليها ١٠٠٠٠ تجربة عاطفية على الأقل
الكتاب دا عبارة عن قوانين لازم كل بنت تعمل بيها لو
عايزة تلاقيلها حوت درفيل أو حتى قرموط يشبك في
سنارتها ولازم كل ست تطبقها في حياتها الزوجية لو عايزة
تعيش سعيدة وتصطاد جوزها تاني وتالت من أول وجديد
أمل محمود

ويلا بينا نشوف صفحات الكتاب (صفحة صفحه)..

(1)

أول وأهم نقطة لازم تعرفي إن انتي كائن فريد من نوعه

ملكة متوجة نجمة في السما

علشان يوصل لك لازم يتعب أوي أوي أوي

(وإلا يروح بيتهم)

آه انتي اللي بترمي السنارة وتصطادي

لكن هو لازم يقطع نفسه علشان يلقط الطعم..

(2)

"حبي نفسك"

لإنك لو حبيتها هتخليها الأجل و الأصح و الأحسن

والأذكى والأشطر والأجدع

وبالتالي كل الناس تحبها

وسمكك حيكتر 🤖 ..

(3)

بصي في المراية

قومي بصي في المراية

لو اللي انتي شايفاه عاجبك يبقى حيعجب الناس

خللي بالك الناس بتشوفك بعينيكي انتي

(4)

لو اللي انتي شيفاه مش عاجبك
يبأه لازم تغيريه تخسي .. تتخني تغيري قصة شعرك
طريقة حجابك .. ستايل لبسك
والهدف هنا مش التغيير في حد ذاته
لكن التغيير علشان انتي تعجبي نفسك
وبالتالي ثققتك في نفسك تزيد

(5)

لو بتقعد مع الناس مكسوفة ومش لاقية حاجة تقوليها
يبأه دامعناه إنك لازم تقري
تتفرجي على برامج مفيدة في التلفزيون
تتابعي الأحداث المهمة
عصر الست أمينة راح بلا رجعة ودلوقتي عصر المعلومات
والفضاء

أبوس ايدك سايري العصر

(6)

الإنسان بيتعود على الشكل بسرعة
يعني لو انتي هيفاء وهبي
لكن بتقدي قدامه بتقلبي أبو الهول
وبتبني باردة بياه كم خروجة وإباه سلملي على جوزك يا
اسماعيل بيه

هو مش محتاج أنتيكة محتاج انسانية

يعني لو كان شكك عادي جدا

لكن شخصيتك دافية وجذابة

هيشوفك مارلين مونرو

(7)

أنوثتك مش نابعة من تضاريس جسمك

أنوثتك نابعة من ذكائك العاطفي

ورقتك في الرد وحنيتك في التعامل

وتعاطفك الحقيقي وقت اللزوم

وكلامك الحلو اللي يلمس القلب

كل دا اللي بيكون سحرك الخاص وأنوثتك الطاغية

يعني الأنوثة شخصية مش هز كتاف

(8)

لو في أي عيب انتي شيفاه في وشك
ومخليكي مش بتعرفي تبصي في عينيه
يبأه يا تعملي عملية تجميل
يا تتعلمي ازاي تخبي العيب دا بالمكياج
يا تتصالحي مع نفسك
وتعرفي ان وشوش الناس كلها عيوب
بمافيهم وشه
فلا تعيرني ولا اعيرك الهم طاييني وطايك

(9)

لازم تهتمي جدا بريحتك
يعني تزيلى الشعر علطول ودايما تاخدي دش وتحطي
مزيل عرق أو شبه قبل ما تفكري تقابلي حد علشان
مايطلعش يجري منك أو ترتبطي في ذهنه بريحه وحشة
وده مش في مصلحتك تماما
مفيش داعي لو جه المرة اللي بعدها تلاقيه حاطت
مشبك في مناخيره

أجمد نظرة هي والوش نازل شوية
والعين بتبص في عين اللي أدامها مباشرة
مع ابتسامة خفيفة وإوعي تتكسفي وتبصي في الأرض
حتديله انطباع إنك مش واثقة من نفسك
وهتفضلي في خانة الأخت العزيزة !
(13)

سمعتك هي رأسمالك
ولازم تحافظي عليها في أي مكان
الدنيا صغيرة وكله بيتعرف مهما حاولتي تخبي
بتطفش السمك النضيف والريح الوحشة
قصة مادي و"النظارة السوداء"
مجرد قصة ومش ديما بيطلع "أحمد مظهر"
اللي بينتشل من الضياع
لأ ده عادة اللي بيطلع هو توفيق الدقن
وأحلى من الشرف مفيش يا آه يا آه !!
(14)

"وعشق الروح ملوش آخر لكن عشق الجسد فاني"
يعني ركزي أوي على الروح دي والشخصية اللي لازم
تتعبي أوي سواء في اختيارها أو في :

تكوينها وتنميتها وتنصيحها

وتثقيفها وتنقيتها وجهادها

وتقويمها و.....

عندك وقت أكمل؟؟

(15)

النجوم دائما هي اللي بتبان وتبأه محط أنظار الجميع

لو بتدرسي لازم تبقي الأولى

لو بتشتغلي لازم تبني متفوقة في شغلك

لو بتلعبى رياضة لازم تاخدي جوايز

كده تضمنى إنك حتكوني حلم حياة كل الرجالة حواليكى

ومحور اهتمامهم

واختاري انتي براحتك بأه ..

(16)

لازم تختاري واحد تكون بينك وبينه اهتمامات مشتركة

علشان هو ده مفتاح العلاقة الناجحة

وافتكري القصة المشهورة اللي مالية الأفلام والمسلسلات

الزوج اللي سايب الست في البيت ومنبهر جدا بزميلته في

الشغل واللى ساعات بيتجوزها على مراته

لأنها فاهماه وبتشاركه اهتماماته

(17)

لو مافيش اهتمامات مشتركة وهو عاجبك
يبأه تخلقيها مش عايزاه؟؟ يبأه لازم تتعبي
يعنى مثلا لو بيعب السينما يبأه تقري في تاريخ السينما
وابهريه بمعلوماتك وثقافتك
لو بيعب العلم اتحولي لدودة كتب علشان تجاربه
بيعب الموسيقى اسمعي
بيعب المخدرات اطلبي له البوليس

(18)

لو ما عندوش اهتمامات أصلا يبأه منصحكيش تماما
مش معقول حتتجوزي ورقة بيضة مملة
عرضة لإن أي حد ممكن يشخبط عليها
أو يكتب عليها حجات تودي في داهية
الا إذا كنتي انتي كمان ما عندكيش اهتمامات
وصباح الناس اللي عايشين على وش الفتة

(19)

انتى كمان لازم يكون عندك شغلك
ولو بسيط واهتمامات ولو بسيطة
وانصحك انك ترمي سنارتك في مجال اهتماماتك
كده فرصتك حتكون أكبر في إنك تلاقيه وتلفتي نظره
وافتكري : ان الطيور على أشكالها تقع
فخليكي طير متاز ومميز

(20)

المعرفة سلاح

لازم تكوني مثقفة وملمة بمواضيع كتير
بحيث انه يلاقي نفسه قاعد مع معجزة
بتفهم في كل حاجة وبتتكلم في كل حاجة
مش واحدة هايقة وكلامها فارغ
أو عالمة بتتكلم في موضوع واحد بس
كده حيزهق منك ولو حصل واتجوزك
هو شهر وهيظير مع اصحابه بره البيت

(21) و (22)

لازم تعتري بكل انجازاتك

كمان لازم تقدرى انجازاته جدا وتشجعيه على التقدم
في حياته على جميع المستويات سواء دراسة أو شغل
أو حتى في علاقاته الاجتماعية
يعني ما تبقيش طيشة زيك زي قلتها
ولازم تصطادي اللي بيقوم بنفس الدور ده معاك
مش اللي يجيبك ورا.

(23)

مثقفة غنية مشهورة واصلة
المهم ما تكونيش غاوية منظره
وقاعدة تنتطى عليه بمعلوماتك
وفلوسك أو بالمعجبين وعلاقاتك
صدقيني شكلك بيبأه وحش أوي
ويحس علطول إن عندك نقص
أو بيخاف من المستوى وبيطفش
لو انتي من النوع دا.... تعالجي

(24)

الأبراج في بداية العلاقة مهمة جدا
لازم تذاكري صفات الأبراج
ده علم وصدقيني الشخصيات بتكرر ومعرفتك ببرجه هتوفر
عليكي كتير أوي
وهتخليكي تعرفي حاجات كتير عنه
من غير ما تتعبي أو تسأليه
لكن ده ما يمنعش لكل قاعدة شواذ!

(25)

اتمرني شوية على معرفة ابراج الناس
وانتي تقدرني تعرفي برجه من طريقته
ومن غير ما تسأليه وبالتالي
لو قلت له انت برجك كذا وطلع صح
هيتكوم منك
طلع غلط قولي له "غريبة مع انك تدي البرج ده"
هيقولك "شمعنى"
تروحي قايلة له أي صفتين حلوين
هيفرح بنفسه ويتكوم برضه ويعديها

(26)

عرفتي برجه ؟ حلو أوي ابتدي في الأزرق وعيشي دور

شندي الفلكي

ورصيله صفات البرج واللي عادة بتطلع صح

هيتثبت وهيطلب منك تقولي كمان

خشي بتقلك وابعدي عن العيوب

وركزي في المميزات

كده هيحس بنفسه أوي وبيانه شفاف قدامك

وبياتك جامدة مووت وهيدمن الكلام معاك

(27)

الصفات الحلوة هتشبع غروره

وتخليه يحس أنك مميزة عن كل الناس

لأنك انتي اللي قدرتي تشوفي حقيقته الجميلة اللي الناس

مش مقدرها

وحقيقته دي ممكن تكون موجودة في دماغه هوبس

يعني خلي بالك وماتصدقش انتي كمان

انها حقيقته فعلا الا لما يثبتهاك

دية أصول اللعبة يا حلوة!!

(28)

لازم يحس انك عندك لا مبالاة من ناحية الرجالة ولو
جه كلام عن الارتباط
ولي له "انا ما بفكرش في الموضوع ده دلوقتي " حتى لو
انتي هتفطسي
كده حتخليه ينتحر علشان يقنعك بالعكس
وهيبتي هو اللي يقرا عن برجك
وصلتي للنقطة دي؟؟
يبقى ادعيلي بأه

(29)

لازم تقري عن الإتيكيت
وتتعلمي الذوق لإن قلة الذوق بتطفش
يعني "شكرا" "لو سمحت" "آسفة" وقت اللزوم
مش "هاتيا مدهول" و"اتفلق" "ووريني عرض قفاك"
والكبسات اللي قلبك يحبها
الا اذا كان هو كمان قليل الذوق
هيبأه ساعتها ماجمع الا وفق

(30)

لازم تحترميہ علشان يحترمك
ولو هو طول لسانه أو مد ايده عليكي
بتهريج يبقاه تحرجيه بذوق
وتوقفيه عند حده
الاحترام أساس أي علاقة سوية والراجل بيتشد أوي للبتت
اللي بتفرض عليه احترامها
الإذا كان هُزء ساعتها تديله أحلى شلوت ويتوكل

(31)

لغة الجسد علم مهم جدا لازم تعرفيه
علشان تقدري تقري اللي قدامك
حتى وهو ساكت
فتفهمي من حركاته إن كان زهقان ، بيكذب ، عجباه
كله ببيان من حركاته ونظراته وطريقة قعدته
وبالتالي تعرفي تتصرفي صح
وفي نفس الوقت علشان تعرفي تدي لغة الجسد صح
واللي توصلي بيها
الرسالة اللي انتي عايزة توصليها

(32)

التمثيل عدو أي علاقة ناجحة
هتتمثلي دلوقتي طب وكمان سنتين؟؟
اتعاملي على طبيعتك واتكلمي بصراحة
ده انتي ان كان عاجبه ولو مش عاجبه يضرب راسه
في اجدعها حيط
هي دي الثقة بالنفس اللي هتخليه يجري وراكي
يبأه مش حابب شخصيتك الحقيقية
"طرز فيه" مالوش في الطيب نصيب

(33)

في البداية الراجل بيحب يتكلم أكثر
عشان يعرفك بنفسه ويتمنظر شوية
بالنسبة له انتي بنت زي أي بنت
مشدود ليكي شوية مش أكثر
دورك انتي بأه اتك تخليه ينسى نفسه "شوية"
ويبتدي يسألك عنك
ولو مسألش يبقى ما تلعبش دور المراية

لإن الأخ ده مش بيثوف في اللي قدامه
غير نفسهارمي السنارة تاني

(34)

اسمعي مشكله في البداية بحدود
ومن باب المشاركة والتعاطف
لكن تعيشي في دور السبع رجالة
وتنتحري علشان تساعدية حتتحي في بند الصديقة الجدعة
مش أكثر

أو العلاقة حتتبني على اكتافك انتي
وهيتعود على أنك انتي اللي بتحلي
وينام لك في الخط

(35)

الراجل بيحب يحس دايمًا انه سيد الموقف
فلمايشتكى اديله ابتسامه حلوة وجمله
"انا واثقة أنك هتعرف تحل الموقف ده وانا موجودة
لوفي حاجة أقدر اعلمها
ياريت ماتترددش في أنك تقولي "

كده هيحس انك شايفاه عنتر زمانه
وفي نفس الوقت واقفة جنبه
ولو كان نصاب داخل راسم على فلوس
هيعرف ان مافيش امل فيكي فيخلع
من غير ماينذيكى ... خليكى ناصحة
(36)

ماترميش السنارة أبدا وانتي متوقعة ان يطلع لك السمكة
اللى في بقها خاتم ذهب
لكن ياريت تتوقعي ان اللي هيطلع فردة الجزمة
إلى أن يثبت العكس لأن التوقعات العالية هتصيبك بالإحباط
وتخليكي ممكن تخسري
سمكة "بساريا" طيبة وبتحبك فتطلع لك الجزمة بعد كده
أوتخليكي تصبغي اللي قدامك بخيالك
وباللي تتمنيه فماتشفيش الحقيقة
غير بعد خراب مالطة

(37)

ركزي في البداية على انك تكوني
"Good company"

يعني صحبة كويسة بلاش نكد بلاش الرخامة بلاش تحاولي
تزنقيه

علشان تطلعي منه كلام حلو أو طلب للارتباط بالعافية
ونظام "أصل جاي لي عريس"
والسكة دي قديمة أوي وكل الرجالة عارفينها دلوقتي
فهيقولك ألف مبروك وبالتوفيق!

(38)

ماتقعديش دايمًا واكله سد الحنك
وعايشة عبارة عن وذن بتسمع وبس
كده هيعتبرك أخت عزيزة مش أكثر
لازم تكوني حتى في صمتك بتتكلمي
لغة عنيكى وعضلات وشك مهمة جدا ولازم تكون مناسبة
للي بتسمعيه
عشان ما يعتقدش انك هبله!!
وبرضه ماتبئيش ممة وراديو وافتح وهاتك يارغي على

دماغه

كده مرتين بالكثير وهيطفش!!

(39)

اعرفي امتي تسمعي وامتى تتكلمي

يعني لمايحب يحكي اسمعي

ولما يخلص خدي انتي المبادرة

واتكلمي في موضوع يشده أكثر المواضيع اللي بتشد

الرجالة

السياسة ، الكورة ، الدين ومجال شغلهم

ولازم تنوعي في تون وطبقة صوتك

الكلام بنفس الوتيرة شيء ممل وهتلاقيه

نام منك

(40)

ياريت تختاري الحاجات اللي تتحكي

خاصة في البداية وهو لس مش عارفك

يعني بلاش مغامراتك في البسين و البنطلون اللي اتقطع

في حفلة الجامعة

وال ١٠٠ ولد اللي كانوا عايزين يصاحبوكي

وبابا ضرب ماما مبارح

خلي مواضيعك كلها تبين له إنك انسانة مميزة مش

ممزقة

(41)

الله لو كل مرة يشوفك مختلفة عن المرة اللي قبلها
يعني أي تغيير في طريقة لبسك شعرك لون ولفة الطرحة
كده هيفتكر إعلان كامه بتاع "وها أنتي إمراة جديدة كل يوم
"

ويحس انه كسب ١٠ ستات في بعض

لوفي أكثر البحر يحب الزيادة وصباح النيو لوك!

(42)

البنات عادة بتستخدم ايديها وهي بتتكرم

وممكن جدا تلمس اللي أودامها عادي

وتهزر بايديها عادي برضه خليكي انتي مختلفة

لإن الراجل ساعات بيفهم ده غلط وبيعتقد انك سهلة ومتاحة

للجميع

وبالتالي هيحطك إطار انتي مش هتحببيه وتبتدي ايديه

تسرح



والرجالة يختي مابتسرق هههههه

(43)

الاهتمام هو سر نجاح أي شيء الا في رمي السنارة
يعني لازم تباني مش مهتمة تماما لإن ده بيستفز
أي راجل ويخليه يعمل لك قرد علشان تهتمي
ولما بيبان انك ليكي العالم بتاعك اللي واخذ اهتمامك
بيبتدي القرد يتنطط علشان ياخذ



هو اهتمامك أو حتى يبأه جزء من العالم ده

(44)

أول خروجة خليه هو اللي يقترح المكان
لإن المفروض ان هو اللي يعزم
فخليه يختار المكان اللي يناسب
امكانياته واللي في جيبه

(45)

مفروض تعرضي انك تدفعي في أول خروجة
والمفروض انه يرفض
لو عمل غير كده في مجتمعنا الشرقي ده
يبأه تعرفي انه حاجة من اتنين



يا اما بخيل وبراشوت ، يا اما بيطفشك
وفي الحاليتين مدة معرفتك بيه لازم ما تتعداش الساعتين
اللي انتي دفعتي تمنهم!

(46)

لو عايشة في دور اللي معتمدة على نفسها
وسكة البنت زي الولد ماهيش كماله عدد ودفعتي أول مرة
يبأه اعرفي يا حبيبتي
ان انتي اللي هتفضلتي تدفعي بعد كده عطول
واللي يلاقي الدلع وما يتدلعش
يبأه حرام عليه

(47)

رايحة تقابليه لأول مرة ده مش معناه انك تتحولي لعروسة
مولد

خليكي شيك ومتحفظة في لبسك انتي لس مش عارفاه



لايتحرش بيكي تبقى مصيبة
وكمان علشان ماتديش انطباع مش كويس
حقيقة مؤكدة : احنا لسه في مجتمع شرقي
وبلاش التلاتة كيلو ماكياج لإن الماكياج
لتصليح عيوب الوش أو تجميله بهدوء



انتي مش رايحة تصوري فيديو كليب

(48)

بلاش تحسي ان أول مقابلة صعبة قوي
وتبني مرعوبة ومتوترة لازم تعرفي تسيطري على
نفسك



وتاخدي الموضوع ببساطة علشان متعكيش في الكلام
وتضحكي بعصبية وتباني هربانة م العباسية

(49)

لازم تحطي في دماغك

ان هو اللي محل اختبار مش انتي

وهو اللي يبوس ايده شعر ودقن (على رأي اللمبي)

لو عجبك ووافقتي عليه كده خيوط اللعبة هتبأه في ايدك

من أولها

والاحساس ده حيوصله وهو اللي هيتوتر ويروح يدعي

ويقول "يارب أكون عجبته"

(50)

أول مقابلة لازم تحافظي على توازنك

يعني لا تهريج زيادة وتعيشي في دور الأراجوز

ولا أتامه وبحلقة فيه

كأنك بتتفرجي على حيوان خرافي بشنب

كوني نفسك ببساطة وحذر

معادلة صعبة لكن مش مستحيلة

(51)

مش من أول خروجة تتقي فيه
حتى لو كان سيماهم في وجوههم
يعني مفيش داعي تقولي له حجات
انتي شايفاها أسرار حياتك
وممكن تندمي عليها بعد كده
خاصة "لو طلع ندل"
ده مش معاد مع "د.خشبة"
رئيس قسم الأمراض النفسية و العصبية
هه ؟؟ إوزني كده!!

(52)

لو لاقيتيه تنك ومدكي الوش الجبس
ومشغل في الخلفية أغنية
"يا واد يا ثقيل"
يبأه تتنكي عليه أكثر
وتشغلي له في الخلفية "هو انت تطول؟" لأنك لو شغلتي
"انت عمري"
هيشغل لك "هش هش يا ديك"

(53)

وياريت تحرميه في أول خروجة من النيمة على زمايلك
والشتيمة في صاحبتك اللي بتغير منك
وجارتك اللي ربنا فتح عليها وجابت توكتوك كده ممكن
يفهمك غلط

ويحس انه قاعد مع "قاسم السماوي"

لكن لو انتي هذا الرجل فعلا

يبأه ماتحرميهوش م الحقيقة

لأنه هيعرفها هيعرفها

(54)

في أول خروجة

لازم تركزي على جوانبك الإيجابية

وفي كلامك تحسسيه بمميزاتك

بطريقة غير مباشرة وابعدي عن سكة الإعلانات

بتاعت "أنا أحسن وحدة في الدنيا"

"ويا ناس يا شر كفاية قر"

و "يخرّب بيت جمالي .. أجنن"

والسكة السوداء دي

(55)

لو في أول خروجة سألتيه:

مرتبك كام ؟

عندك شقة ؟

عندك أملاك ؟

عندك عربية ؟



يبأه اضمني إنك مش هتشوفي وشه تاني

(56)

بلاش في أول خروجة تنزلي عليه

بسيل الأسئلة اللي هتفطسي وتعرفي اجابتها مرة وحدة

وحدة وحدة على الراجل علشان ما يحسش انه قاعد على

كرسي الاعتراف

أودام وكيل النيابة وفجأة بقدرة قادر يرسم على وشك شنب

يرعب شنبه

(57)

من أول خروجة لازم يحس انك أمينة
او عي تكدي عليه في أي معلومة
الثقة بتتبي في أول خروجة
ولو ارتاحك وحس بأمان معاك
يبأه السنارة ممكن تغمز يا جميل
لأن الثقة والراحة هما حجر الأساس في أي علاقة ناجحة
أما بالنسبة للصندوق الأسود
انتي مش مطالبة بنشر محتوياته

(58)

أول خروجة ماتدلفيش معلومات عنك
اكتفي بالمانشيتات العريضة
وخلي التفاصيل داخل العدد
شيء من الغموض
بيشد اللي قدامك
ويخليه عايز يقابلك تاني وتالت و ١٠٠٠
علشان يعرفك أكثر و أكثر

(59)

أول خروجة هو عايز يعرفك
حاولي تبروزي نفسك صح
وتخلي صورة أهلك حلوة
ولازم تعتزي بأهلك مهما ان كانوا
لأن اللي بيشتم في أهله
بيدي انطباع زي الزفت للي قدامه
وكل الشعب المصري عارف ان "اللي مالوش خير في أهله
مالوش خير في حد"

(60)

اوعي في اول خروجة تشدي فنجان الشاي بتاعه
عشان تحطيله السكر وسهوكه البنات دي
كده هيكش منك
وهيخس انك عايزة تدبسيه وعايشة في دور المدام
هيقول في عقل باله "آه من أولها كده؟"
ويمكن يطلع بيشر به من غير سكر
ماتحرجيش نفسك يا قطة

(63)

مش من أول خروجة تطلبي عشا
يعني عصير ممكن أو أي مشروبات
(بعيدا عن الكاكاو والتشوكليت كيك)

لكن تجوعي أسبوع وتروحي تديها هيخاف تاكليها بعد كدا
(64)

معظم البنات بيجيلها عسر بلع في أول خروجة
وبتحس ان أكيد كل الناس بما فيهم هو حيسمع صوت بلعها
وبالتالي ما بترضاش تشرب اللي طلبته
ده لو طلبت حاجة أصلا
لو ما طلبتيش أو ما شربتيش هيفهم حالتك ويستروش نفسه
و...

اشربي محدش هيسمع أي حاجة
(65)

اوعي تطلبي نمرة تلفونه أبدا
لازم هو اللي يحاول يديهالك
ويتعب علشان يديهالك
"دي البداية اللي على مية بيضا"

(66)

بعد أول مقابلة لو ماكلمكيش
اديله يومين بالكثير و امسحي نمرته
عشان ماتضعفيش وتكلمي انتي
وتبأه خيبتك ثقيلة
الراجل ساعات مايبتكلمش عشان يشوف رد فعلك مش أكثر
وريله انك تنكة موووووت
ومش حطاه في دماغك أصلا

(67)



لما الراجل هو اللي بيتكلم
ده معناه ان "الكليك" الأولاني حصل
لو ماتكلمش يبأه ما حصلش
لو انتي تكلمتي ده معناه ان انتي اللي عايزة تعرفيه
وبتحطي نفسك لقمة سهلة بين سنانه
كده هيبيع ويشترى فيكي
واحتمال ينفض ومايردش أصلا
ويبأه منظره و ~~ح~~ح

(68)

ساعات هو بيكون طاووس وواتق
ان زيك زي غيرك وأكد هنتكلمي



ده التطور الطبيعي للحاجة الساقعة
فلما مابتتكلميش انتي كده تكلمتي فعلا
وقلتي له " لأفتح يا حبيبي مش أي أي ولا زيزي ولا كل
قطيقاله يا ممش "
وده المطلوب

(69)

على فكرة!
رسالة الموبايل زيها زي المكالمة
والايميل والفيس بوك
والحمام الزاجل وأي وسيلة اتصال مرفووووووضة
هو اللي لازم ياخذ الخطوة الأولى
سامعاني !!؟؟

(70)

حصل وكلمك ياريت مايلاقيش فرح
في التلفون واللي هو ناقص ترقييله زغروته لأخالص
عايزاكي البت الكول التنكة موت
المكالمة دي شيء عادي ومتوقع
ايه الجديد ياماما ؟ ده سحرك المعتاد!
وفي نفس الوقت ماتبئيش مقموصة وإتمة
عشان كنتي مستنياها بدري عن كده
لازم يحس انك أعظم من انك تستني مكالمته أصلا
هو انتي فاضياه !!؟!!

(71)

الصيد غريزة متأصلة جوه كل راجل
من كام قرن كده كان بيصطاد الغزال
عشان ياكله دلوقتي بقيتي انتي الغزال
عشان كدا تلاقي واحد حكيم وفاهم القصة زي متقال
يقولك : يا غزال يا غزال ده العشق حلال دويتني دوب
يبأه لازم تدوبيه ياغزال

(72)

يعني الرجل البدائي كان هو اللي لازم يطارد الغزال لكن
تخلي باه لو الغزال لمح الرجل فطلع يجري وراه ؟؟؟؟
أكد الرجل كان هيصاب بذعر ويعتقد ان الغزال ملبوس
وهياخد ديله فسنانه

ويطلع يجري منه نفس الشيء هنا

أبوس ايدك ماتلعبيش دور الغزال الملبوس
(73)



لو الرجل ملا ايدك منك أول حاجة حيعملها
انه هيفتحها لوحدة تانية
تثير فيه غريزة الصيد!!

(74)

خليه دايمًا يحس انه هو اللي بيصطادك
حتى لو كنتي متجوزاه وعندك ١٠ عيال
لازم يحس انه وجودك معاه مش أمر مسّلم بيه
وانه لو طلع عن الخط اللي انتي رسماه لعلاقتكم
حد فيكم حيطلع بره البيت وغالبا حيكون هو
احنا جايين نهدي النفوس مش أكثر!

(75)

ولو اكتفى بانه بيعت لك رسالة بعد أول خروجة يبأه

بيجس نبض

ردي عليه برسالة برضه بس تاني يوم

ايميل يبقى تردي بايميل تاني يوم

مش جدعنه ولاكرم هو بيعت رسالة تروحي مكلماه



اوعي !!

(76)

التقل صنعة فعلا

والبنت الثقيلة هي اللي بتكسب

خاصة في وجود بنات بتعاكس وبتخرج

وبتعمل أقصى حاجة ممكن تتخليها..

ايوة اللي جه في دماغك ده بالضبط!

لازم تكوني مختلفة

(77)

لو لقيتني إيدك اتمدت على وردة

في محل ورد ... اقطعها

لازم هو اللي يجيب لك ورد الأول

ما جابش يبقى حاجة من ٣:

١- بخيل ومستنصر

٢- غشيم وحمار

٣- مش معجب

وفي كل الأحوال مجايبك للورد خسارة فيه

(78)

أول هدية لازم تكون ليكي مش منك

ولازم تستقبلها بحماس وانبهار

استقبال الهدايا فن لو ما أتقنتهوش هيبطل يجيبك هدايا

وترجعي تقولي مش بيحبيب!!

وفي نفس الوقت لما بيجي الدور عليكي بغض النظر

عن الهدية لازم تهتمي جدا بلفتها لكن نظام كيس المحل

واحمد ربنا اني جبتلك هدية أصلا

يبقى حنفضلي في بيت بابا شوية

(79)

ممکن مع الوقت لو ماجابش هدية
وانتي حتفطسي وتجيبي له حاجة
ولو حسيتي ان في استجابة منه
تعملي له سي دي أو شريط
بالأغاني اللي انتي بتحبيها
من باب الصداقة مش أكثر
وتفهميه دا بذكاء علشان مايخدش كلمات
الأغاني على انها رسالة منك ويعيش في دور انك
بتقولي له بحبك



وانكم كده ارتبطوا خلاص ويريح!!

(80)

لو ظهرت وحدة تانية
او عي تعيطي له وتديها " قال جاني بعديومين "
و "مش حتنازل عنك أبدا"
وتعيشي في دور سميرة سعيد
سداقيني مش حيفيد

(81)

لو حكى لك عن واحدة ثانية
ماتطلبيش تقابليها من منطلق إنك تعرفي
هو عاجبه فيها ايه؟؟
وتحاولي تبني نسخة منها كده هتبني انتي الصورة
وساعتها هيختار الأصل طبعاً

(82)

ساعات البنت بتعتقد انها لما بتبأه قدامه على طول
هي كده بتحميه من ظهور واحدة ثانية
ولو الثانية ظهرت فعلا فالبنت بتتواجد أكثر
ماهي بنت في منافسة لكن الواقع انها بتترطرط
وبتضيع فرصتها في الحصول عليه

(83)

أحياناً التواجد ما بيكنش في مصلحتك
في وجود واحدة ثانية خاصة لو العلاقة مر عليها كذا شهر
وجودك المستمر بيديه اطمئنان
وببخليه يقول : ماهي موجودة ألعب براحتي
بأه وبالعكس دي كمان بتدلعني وبتسأل عليا أكثر!!

لكن اختفائك بيديله إنذار ويبخله يقارن ما بينكم ويحس انه
هيخسرك

(84)

"حبيبي وانت بعيد"

فرصتك بتزيد

لإن عادة الإنسان البعيد بنفتمر مميزاتة وبس وتنحسر

عليها

أو نجري ونركع تحت رجليه

ونطلبه للجواز!!

(النقطة دي من بق دنجوان كبير)

(85)

افتكري دايمًا المثل ده:



(ابعده حبة تزيد محبة)

(86)

لو المقارنة في صالحك

يبأه خير وبركة و ١٠٠٠ مبروك

ولو ماكنتش في صالحك اديها دمعين واتحركي

دوري على غيره وماتضيعيش وقت



دا راجل وراح ومطارده ماكانتش هتجيبه
لإن الحب لا بيحي بالتسول ولا بالعافية والتبابة

(87)



"سيب طيرك على هواه .. ييجي وديله على
قفاه"

مثل شعبي متجرب

(88)

لو خرج معاكي كتير وعرفك كويس
وعدى وقت طويل وبرضه مابينطقتش
ولا بيحبيب سيرة ارتباط أو جواز
وانتي مربوطة جنبه وعندك أمل
فاتحيه انتي في الموضوع واتقدمي
وأى رد تاخديه غير ميعاد مع باباكي
بيأه رفض ليكي حتى الصمت وجملة "مش عارف أقول
لك ايه"

ده بيتسلى وكان مستغل كسوفك

إكسري زير وراه!!

(89)

ساعات الراجل بيريح ويقول لك
ماهي موجودة طب ليه التعقيد
والارتباط الرسمي والمسئولية؟؟
فلازم تختفي ولو الخطة دي مانفعتش
يبأه خبيث وفاهم خطط البنات
ويا إما بيلعب لعبة "مين نفسه أطول"
(سجلي رقم قياسي أبوس إيدك)
يا إما للأسف محبكيش..



(90)

في خطة بديلة وهي انه يحس
انه زي أي حد في حياتك بلا أي خصوصية
وتبتدي تعتذري عن خروجاته
وعن الرد عليه وعلى طول
أصلي نايمة ، كنت خارجة
آسفة عيد ميلاد "هند" النهاردة
وشريف وميزو عاملينه مفاجأة
ولازم أروح (وياريت ده يكون حقيقي)

(91)

لو حياتكم فيها فيس بوك جميل جدا لازم يحس انه مالوش
خصوصية

حتى على الفيس بوك نزلي صور خروجاتك أول بأول
يلاقي عندك قائمة أصدقاء مليانة بتشاركي بأرائك في
الجروبات

بتعلقي على صور أصحابك

كده برضه هيتربع ولو قفش عليك



نفضي واستهيلي على الآخر!!

(92)

لما الراجل بيحس ان حياتك مش واقفة عليه
وانك عندك أصحابك ومجتمعك سواء في شغلك أو في
دراستك أو في النادي أو أي حاجة تانية
بيترعب ولو حاطط عينه عليك فعلا
مش حيستحمل كتير
وهتلاقي المكنة طلعت قماش
قمشمش قماشينو

(93)

اوعي تديله الفرصة إنه يتعامل كإنكوا مرتبطين مع انه
منطقهاش

هيفضل يتعامل كده ويطلع عينك بعد كده ويطلع عينك



بعد كده على ماينطقها ده لو نطقها أصلا

أصل الراجل يا حبيبتى لما بيكون شارى فعلا



بيأه واضح وصريح من أولها

(94)

لازم دايما تديله على أد الوضع اللي هو فارضه
يعني بيرمي كلام ويلون ويشتغلك من غير مايقول حاجة
تتمسك عليه

يبأه انسان أي كلام ويتعامل على إنه زميل بيستهبل

ماهو لاطلع محترم وبأه عريس

ولا عارف يحصل صديق



ده واحد بيعاكس مش أكثر

(95)

عايزة اللي بيعاكس ده

(وان كنت مانصحكيش)

يبأه لازم تديله رد فعل مايتوقعوش

يعني العادي لما بيلون على واحدة

بتتبسط وتسلم ، يبأه لو عملتي كده

بئيتي زيك زي غيرك لكن لو كسفتيه

وحسستيه إنه يروح يلعب بعيد

كده تضمني إنه هيلعب قريب جدا

في صالون بيتكم

(96)

الراجل في الزمن ده عايز اللي تشيله مش اللي يشيلها

يعني ماتخليهوش يبأه محور حياتك كلها ويحس انه

مصدر سعادتك الوحيد

لإن ده بيخوف بعض الرجالة اللي مرعوبين خلقة من

الجواز

فيتخيل إنك واخده أراجوز يسليكي وانك هتبقى خنيقة

وحمل في رقبتة



(99)

لو فضلتي طول الوقت تشتكي من حبيبك اللي فات
واللي عمله فيكي أو بتفتكريه بمناسبة وبدون مناسبة
الراجل اللي قاعد قدامك ده مش هيقول: "دي بنت
صريحة مووت" لأ هيقول: "ياليلة جاز دي لسه
بتحبه" وعموما بلاش الشكوى الكثيرة والتذمر



من كل حاجة كده هيكراهك ويكره نفسه

(100)

ارتبطوا والحياة ظريفة وما بيتقدمش يبأه أكيد بتوفريله
الحاجات دي:

- ١- بيشوفك وقت ما يعوز
 - ٢- بيتكلم معاكي طول اليوم
 - ٣- بيمسك اللي يمسه عادي
 - ٤- وبتمسكي اللي بتمسكيه
 - ٥- البوس متوفر وبغزارة
 - ٦- الأحضان دي شئ عادي
 - ٧- بتنتحري علشان تسعديه
- يبقى بذمتك يتقدم ليه؟؟

(101)

"أشترى البقرة ليه لو باخد لبنها ببلاش"؟! امثل

أمريكاني ناصح

(102)

لازم يكون في حدود لكل شيء التلفونات بحدود الخروج

بحساب والخدمة الشاملة مفيش داعي منها

والا يشيل المسئولية ليه أساسا؟؟

ولو اشتغل في سكة " لو كنتي بتحبيني كنتي عملتي"

اعرفي يابنت الحلال انه مش بتاع جواز

ده يا اما بيشتغلك يا اما بيستغلك والاتنين وجهين لعملة

وحدة (قلة الأصل)

(103)

لو الراجل طلع كويس فعلا يبأه لازم تشيليه في عينيكي

وأهم حاجة انك تحافظي على أسرار ه وعلى منظره قدام

الناس كده هو كمان هيشيك في عينيه ومش هيسيب

سنارتك أبدا!!! ولازم ماتعاير هوش بأي حاجة قالهاك أو

حصلت له وحطي نفسك دايمًا مكانه

واتصرفي باللي ترضيه لنفسك

(104)

لو ارتبطتوا وبعد كده طلب ان انتوا تاخذوا فترة بريك
تعيدوا

فيها تقييم العلاقة اعرفي ان ده مؤشر خطر وانه عايز يخلع
بدوق



فقولي له : لأ خلي البريك على طول ومعتلكش



وارمي السنارة تاني يافوزية

(105)

بلاش تقعدني توجدي له في أعذار أو تصدقي كل حججه

(106)

"أصله لسه بيكون نفسه"

مش عذر كافي الراجل لما بيحب بجد بيتكلم

حتى لو كان شحات

أصل دبلتين مؤقتنا مش معضلة

(107)

"أصله خايف من فرق المستوى"
في الزمن ده مش عذر الراجل لما بيحب بجد مايشفش
مستويات

بصي حوالكي الأمثلة كتيبيبيير

ولما هو الراجل خايف منه

انتي بقى مش خايفة ليه؟؟

فكك منه واشتري من أختك

(108)

"خايف بابا مايو افقش عليه"

عذر أقبح من ذنب طب هو كان جرب أصلا؟؟

ولو شايف انك ماتستهليش المجازفة

يبأه ما يستهلش يقابل بابا من أساسه

(109)

"أصله-بيسافر-كتير"

ماشي-وايه-المشكلة!؟

هو-في-قانون-ان-الناس-اللي-بتسافر-ماتتجوزش؟؟

بالعكس-اللي-بيسافر-ده-لما-بيحب-بيروح-ورا-

حبيبه-آخر-الدنيا

(110)

"شغله - واخذ - كل - وقته"

ده - تشوفيله - سكرتيرة - لكن - زوجة؟

يعمل - بيها - ايه - وهي - مالهاش - وقت - عنده؟

لو - كان - بيحبك - فعلا - كان - فضى - نفسه ..

نص - ساعة - يقابل - فيها - باباكي

الراجل - لمايحب - بجد - بيخلق - الوقت - وبيعمل - المستحيل

(111)

"أصل - أهله - عايزين - يجوزوه - بمعرفتهم"

ده - بأه - مالوش - غير - رد - واحد:-

(ياتونو - خليك - جنب - ماما)

وخليها - بجميلة - واشتري - له - مصاصة

الراجل - اللي - بيحب - بجد - بيحارب - العالم - علشان - اللي -

بيحبها

حتى - ولو - كانت - حبيبته - دي



(مكسوفة أقولها)

(112)

"أصله - بيخاف - من - الجواز"

والنبي -ايه؟؟
هاتي -له -طاسة -الخضة
الراجل -لما -بيحب -بجد
مابيخفش -من -أي -حاجة -في -الدنيا
وممكن -يرمي -نفسه -في -النار
في -سبيل -انه -يكون -جنب -حبيبته
(113)

"أصله -مش -بيحب -التسرع"
طيب -ربنا -يدينا -ويديكي -طولة -العمر
ومستنين -دعوة -فرحك -ع الستين -ربيعا
ان -شاء -الله -وهنجيب -لكم -هدايا
أطقم -عضاضي -
يابنتي -العمر -بيجري
اجري -انتي -كمان
وسيبي -الراجل -البطة -ده -يكاكي

(114)

"أصله-انسان-كويس-قوي"

لو-كان-كدا-فعلا-كان-بأه-واضح-معاكي-من-أولها

الإنسان-الكويس-مايلعبش-ببنات-الناس

ولوكويس-بس-مش-بيحبك

بيأه-ايه-فايدته؟؟

كويس-لنفسه-ياحبيبي-مش-ليكي

أو-لواحد-تانية-غيرك-تعرف-تعبه-ع-الشناكل

(115)

"أصلي-بحبه"

بصي-ياحبيبي-سكة(أحبه-مهما-أشوف-منه)

دي-ماتنفش-خالالص

إلا-إذا-كنتي-بتحبي-البهدلة

وفي-الحالة-دي-كلميني-وانا-هديك-نمرة

د.خشبة-كويس-وهمه-جلستين-



وهتبي زي - الفل

(116)

"أصلي - خايقة - مالقيش - غيره"

"أصل - مابقاش - في - رجالة"

طول - ما انتي - بتفكري - كده - يباه - هتفضلي

ترضي - بأي - زبالة - تقابليها - في - سكتك

الرجالة - على - قفا - مين - يشيل - بس - انتي - اخلصي - من -

التهمة - اللي - معاكي

وقصة - (قرد - يسليني - ولا - غزال - شاردي)

دي - فاشلة -

طب - أرضي - بالقرد - ليه - إذا - كان - في -



غزال؟؟

(117)

"أصله-متجوز-ومش-عايز-يشرد-عياله"

طب-واما-هو-متجوز-وملتزم-بولاده-انتي-بأه-ياحلوه

بتعملي-ايه-فحياته؟؟

بتسليه؟؟

بتشبعي-غروره-ونقصه؟؟

وللا-بياخد-منك-اللي-مش-عارف-ياخده-من-المدام؟؟

ماتخليش-حد-يستغلك-وبلاش-تاخدي-اللقب-ده(خرابة-

البيوت)

لأنه-أسوء-لقب-دنيا-وآخرة

(118)

"عصفور-في-اليد-خير-من-١٠-على-الشجرة"

ده-في-حالة-انه-يكون-عصفور-مش-بومة

أبوس-ايدك-افهمي-المثل-صح..

(119)

طول-ما-انتي-رابطة-نفسك-بقصة-خايبه-

مش-هتلاقي-رجالة-تانية-لأنك-ببساطة

انتي-اللي-معمية-نفسك-ومش-شايقة-غيره

لكن-صدقيني-لو-نفضتيله-النهار-دقوشيلتية-من-

دماغك

بكرة-اللي-هوبكرة-ده-حتلاقي-١٠٠٠واحد-يتمناكي
يابنتي-احنا-في-عصرالنت-والفيستوك-ياكفومبو
(120)

الإنسان-اللي-يخليكي-في-علاقتك-بيه-دايما-
بتدوري-له

على-أعذار-يبأه-عذره-الوحيد-انه-محبكيش
(121)

الحب.....

يايكون-إضافة-جميلة-في-حياة-الإنسان
يا-إما-يغور-في-٦٠-داهية-

لأنه-ساعتها-مايبأش-حب

بببأه-نوع-من-الوسواس-القهرى

أو-حب-تعذيب-النفس-وبرضه

كلميني-وهديكي-نمرة-دكتور-خشبة

(122)

وابوس - ايدك - انسي - قصة - الحب - الأول
دي - بيضحكوا - بيها - علينا - في - الأفلام - وبس
وبالعكس - عادة - الحب - الأول - يكون - كارثة
أسوء - حب - ممكن - تقابليه - (أنايقول - عادة)
لإن - ساعتها - الواحد - بيكون - بلا - أدنى - تجربة - أو - خبرة
يختار - على - أساسها - فكتير -

بيقع - في - مصايب - سودة - يعني - مش - دايم
بيبأه - عبد الحليم - في - الوسادة - الخالية !!

(123)

وعلشان - السنارة - تغمز - صح
بيبأه - لازم - الأول - تخلصي
من - القصة - التعيسة - اللي - انتي - عايشة - فيها -
وماتتعلقيش - بحبال - دايبة - واقلبي - الصفحة - بأه

(124)

الحب - لازم - يكون - نابع - من - قلب - وعقل
لكن - حب - من - غير - عقل - يبأه - حب - ناقص
مشوه - غير - مكتمل - النمو

يعني -م. الآخر -مش -هيعيش -كثير



وماتوجعش -دماغنا -بأه

(125)

الحب -لازم -يعقد -معاهدة -سلام -بين -عقلك -وقلبك

لكن -يخليهم -يتخانقوا -طول -النهار

يبأه -مصيرك -العباسية

(126)

الحب -من -غير -أمل

هو -نوع -من -أنواع -الهبيل

ولو -بتقري -الكتاب -ده -يبأه -بتدوري -على -أمل

اشتري -بأه -من -أمل

ودوري -على -إنسان -تاني -يديهولك

ماتنفخيش -في -قربة -مقطوعة

وتضيعي -أحلى -سنين -عمرك

في -عياط -وآهات -وعبط

(127)

اللي ببشيل قربة مقطوعة بتخر على دماغه

وأول حاجة بتعملها القربة المخرومة انها بتوقع الشعر

يعني ولا اجدعها شامبو هيحافظ لك على شعرك

واحتمال سنائك تقع وتكرمشي بدري وتقصري

فكرتيني بوحدة صاحبتني ما تعرفيهاش

(128)

الصدافة أهم شيء في الحب

وهي اللي بتضمن استمراريته

(129)

التفاهم أهم من الحب

يعني التفاهم ممكن يؤدي إلى الحب

لكن عدم التفاهم بيوصل الحب لانعكاس الكلمة على المرآة

(بـ ح)

(130)

العلاقة الناجحة هي:

العلاقة اللي بتحققك السعادة على طول

مش شهر آه وشهرين خناق

يوم آه وعشرة متخاصمين

خروجة آه وتلاتة مش طايقين نفسنا

علاقتك من النوع دا؟ يبأه ما تعتبريش السنارة غمزت

وبلاش جواز علشان ما تجنّيش على أطفال بلاذنب

لأن عاجلا أم آجلا حد فيكم حيطفش

(131)

خلي دايمًا بحرسنارتك هو التكافؤ

الاجتماعي والمادي والثقافي والانساني والديني هو دا

أساس

العلاقة الناجحة وخلي بالك العلاقة الفاشلة بتؤدي لأمراض

نفسية

وبالتالي جسدية لأنها بتضعف جهاز المناعة

الصحة نعمة لاتعوض

لكن الرجالة بتروح وبتيجي حضرتك

(132)

الغيرة مطلوبة طبعا لكن بحدود

لا تخنقيه وتخافي من هلاوس

ولا تسيبيله الحبل ع الغارب

فيعتقد انك مش بتحببيه

وانه مش فارق معاكي

ويعيش حياته بقي

وترجعي انتي اللي تعيطي

(133)

الطبيعي ان هو كمان يغير عليكى
لكن في فرق بين الغيرة الصحية المبررة
واللي سببها الحب
والغيرة المرضية الغير منطقية
اللي بسبب شعور بالنقص وعدم ثقة
النوع دا متعب جدا ومصيرك العباسية
أو انك تتقوقي وتنامي تحت الكنبة
والشخصية دي حلها الوحيد هو (الحلاقة)

(134)

لازم تسيبيله مساحة من الحرية انا بقول مساحة
ومحددتش مساحتها لأنها بتعتمد على الشخص نفسه
يعني لو هيستغل المساحة دي في هواية مفيدة
في رياضة مثلا في انه ياخذ كورسات أو حتى يقعد
مع أصدقاء كويسين يبأه تشجيعه وتبجحها



(135)

لكن لو هو هيستغل الحرية في أصدقاء سوء و إدمان

أو جري ورا دي و دي

يبأه تبجحيها أوي أوي أوي

وتديله استمارة ستة يا حبيبيتي

عمرك ما حتقدي تحلّقي على راجل طول الوقت

فيا يكون كويس من أولها



يا إما بلاها أصلا

(136)

احذري العيوب اللي مابتتغيرش

لإن السنارة اللي بتجيبلك سمكة قرش

تبأه ماغزمتش

وعمر ماسمك القرش بيقلب سمك موسى

ولو حاسة إنك مش مرتاحة له

أبوس ايدك امشي ورا احساسك

وارمي السمكة في البحر

(137)

لازم تهتمى بأدق التفاصيل لإن هي دي اللي هتعرفك
عيوبه ومميزاته وكمان هتخليكي مميزة بالنسبة له
لإن الراجل مابيهتمش بالتفاصيل فبيحس بأنوثة
البنيت من خلال اهتمامها بالتفاصيل
سواء في نفسها أو فيه أو في بيتها
فيما بعد ولو ده ماحصلش بيحس أنها بشنب زيه



بالظبط

(138)

العيوب اللي ما بتتغيرش:

البخل - الأناية - العين الزايغة

الإدمان - العصبية - العنف

النكد وحب المأساويات - الدم الثقيل

عدم النظافة - الإهمال

أقول لك مفيش حد بيتغير والأسهل لو صفاته مضايقاكي

انك تغيريه بواحد تاني

(139)

لازم تاخدي الراجل اللي قدامك شروة على بعضها

وياتحبيه بعيوبه

وتحاولي تحسني فيها مش أكثر

يا اما ماتظلمهوش وتسيبيه لوحدة تانية تستوعب

العيوب دي

ويمكن تشوفها مميزات كمان



وبلاش نظام (عيني فيه وأقول اخيه)

(140)

لازم محاولتك لتحسين عيوبه تكون بطريقة مباشرة

مش كل الرجالة بتفهم التلميح والتلقيح اللي من تحت

تحت

ده بتاعنا احنا و بس

كمان لازم تقدري أوي صفاته الكويسة وكل الحاجات

الكويسة اللي

بيعملها علشانك أو علشان علاقتكم وتشعري فيه

ده حيليه يتفانى دايمًا علشان يرضيكي

ويسمع كلمتين حلوين

(141)

نفس الشيء لو حاجة مدايقاكي
تقولها بذوق وبطريقة واضحة عشان يفهمها ولو اتكررت
يباه ننقل ع المرحلة اللي بعدها

(142)

مرحلة العقاب ودي لازم تكون متنوعة
وعلى قد الخطأ لا أكثر ولا أقل
وعلى رأي المثل : جوزك على ما تربيته وابنك على ما
تعوديه

لأ انا ما عكستش المثل



هيا دي الحقيقة

(143)

احترمي صمته لما يكون متدايق
يعني ما تقعديش تزني فوق دماغه علشان تعرفي سبب
ضيقه
الراجل مش بيعرف يتكلم ويشتكي زينا غير لما يهدي
وبيفضل انه يشتغل أو يصل حاجة أو يخرج يتمشى لغاية ما
يهدي

وبعدين يتكلم اديله فرصته علشان ما يرمكيش انتي في



البحر

(144)

مهم قوي انك زي ما بتدي تاخدي

وزي ما بتاخدي تدي

العلاقة اللي بتتبني على ان طرف واحد بيدي

والتاني بياخد وبس

بتنتهي برضه على ان طرف واحد هو اللي بيدي



بس بالجزمة

(145)

الكيمياء الإلهية دي مهمة جدا

ربنا خلق أجسامنا بتفرز مع العرق

أجسام غير مرئية بتتنقل عن طريق الهوا

ويستقبلها خرمن صغيرين جداً

فى مناخير اللى أودامنا، وبالتالى بتنشط
مواد فى المخ تخلى اللى أودامنا يحبنا
وهى دى إحدى الأسباب فى الكيمياء
بين البشر، يعنى قلب الراجل ماطلّش
فى معدته، ده طلع فى مناخيره.

وأبقى ادعيلى لما السناره تغمز .. ،،



أول محمود تامة بتأثيره تحففتها في أفلاكها الإنسانية
وتأثيره لها العديد من اللذات، حتى الصبر وحده يفتحه
برفها زوا، يعرض لها التسلية، وفرد العطف الإيجابي
والعطف الكارثية، وسد القدر القاري، ويستحقوا أقدانه

الكتاب ده عبارته عن قوانين لازم كل بنت تعمل بيها لو عايزه
تلاقيها حوت، درقبل او حتى فرموط بشبك في ستاريتها...
ولازم كل ست تطيقها في حياتها الزوجية لو عايزه تعيش
سعيدة وبصطاد جورها تاني وبالت من اول وجديد....



book.friends192@gmail.com

عاشقان السبارة نعمر أهل محمود Facebook Group